

LA PUNT



Infuormaziuns da la corporaziun evangelica Ardez - Ftan - Guarda



NOVEMBER, DECEMBER 2025 e SCHNER 2026



Bainvgnüda Madlaina Gremlich sco caluostra da la baselgia da Ftan!

Als 1. da november surpiglia *Madlaina Gremlich* da Sent sia piazza a Ftan. No giavüschain a la nouva caluostra tuot il bun e bler plaschair cun sia nouva lezcha.

A *Cilgia Florineth*, la caluostra actuala, ingrazchaina da cour pel grond ingaschamaint, per sia chüra da la baselgia, ils contuorns e tuot la lavur preziosa pella vita da nossa raspada - sia quai sco caluostra - sco eir sco consistoriala! Grazcha fich eir a Susanne Kientzler per sia lavur ed per l'assistenza da la caluostra.



Madlaina ha respus trais dumondas per as preschantar a la raspada. Sias respostas cumpletas as poja leger davo sün nossa pagina d'internet: www.ardez-reformiert.ch

-> *Madlaina, che es Tia motivaziun per surtour la piazza sco caluostra a Ftan?*

Grazia ch'eu chant aint il cor masdà da Ftan suna pro differentas predgias gnüda in contact cun vossa raspada. Eu stim il contact cun differenta glied, fetsch jent lavur manuala ed am vögl ingaschar cun meis servezzan per la cumünanza da nossa raspada.



-> *Che at giavüschest per quist servezzan e per la baselgia?*

Eu am giavüsch da pudair güdar cun mia lavur, cha la raspada possa eir in futur giodair in contuorns adattats e cordials las predgias ed otras occurrenzias da cumünanza.

Pella baselgia am giavüscha ch'ella resta inavant ün lö prezios per la chüra da la cretta ed eir per cordials contacts tanter ils conumans.

Per sustegner a Madlaina tscherchaina amo 1 fin 2 personas da Ftan chi pudessan sustgnair ad ella. Quellas lavurs vegnan natüral remuneradas.

Per ulteriuras infuormaziuns e/o annunzchas stan rav. Marianne Strub, la caluostra actuala Cilgia Florineth ed il president Not Armon Willy jent a disposiziun.

Radunanza da preventiv e tschernas

marcurdi, ils 5 da november a las 20.00 illa chasa cumünala Ardez



La radunanza da preventiv da la corporaziun evangelica Ardez-Ftan-Guarda ha lö in marcurdi, ils 5 da november a las 20.00 in chasa cumünala ad Ardez.

L'invid e las tractandas as rechattan sül «Plan da predgias da november'25 fin schner '26»

«Täglich mit Gott» per l'on 2026

ATTENZIUN: *Il chalender «Täglich mit Gott» per l'on 2026 vegn stampà per l'ultima jada!* El cuntegna üna cuorta meditaziun sur d'ün text biblic ed ün text litterar per mincha di. Postaziuns as poja far fin **venderdi, 21 da november** pro'l secretariat secretariat.pravenda@bluewin.ch o pro rav. Marianne Strub, 081 862 23 61. (*Predsch: chalender frs 25.- e cudeschin frs 29.50*)



Occurrenzias e progets:

La Predgina



Davo las vacanzas d'utuon cumainza darcheu la predgina. L'inscunter es adüna illa **biblioteca d'Ardez da las 10.00 a las 11.00**. Infuormaziuns detagliadas daja pro las manadras: Annina Mengiardi, 081 862 24 50 e Cilgia Koller, 079 266 90 37

Ulteriuras occurrenzias a regard noss progets vegnan publicadas sün nossa pagina d'internet e sün placats.

Il Sainin

Ils venderdis **24 d'october, 28 da november 2025 e 23 da schner 2026**, tanter las **9.30 e las 11.00**, ha lö il Sainin illa sala cumünala ad Ardez. Tuot ils uffants tanter 0 e 5 ons - accumpagnats dad ün creschü - sun cordialmaing invidats da gnir a tadar ün'istorgia biblica, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61



Cult divin e referat cun Ernst Bromeis ad Ardez

In *dumengia, ils 9 da november a las 10.00*, dedichaina la predgia als progets cha no sustgnain ingon illas muntognas da Peru e Bolivia tras las organisaziuns partenarias da Mission 21. Davo la predgia ans raquinta Ernst Bromeis da sias impreschiuns fattas sün seis viadi tras il pajais da Bolivia e pro'l lai da Titicaca sco ambaschadur d'aua.

Davo il cult divin ed il referat vegn offri ün aperitiv.



Maisas da giantar per tuots e tuottas dad Ardez e Guarda



Las prosmas maisas da giantar han lö i'l hotel Alvetern ad Ardez:

- *mardi, ils 4 da november 2025*
- *mardi, ils 2 da december 2025*
- *mardi, ils 6 da schner 2026*

Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

«Vainst eir tü...?» a chantar canons e corals d'advent

Ils lündeschdis, 1. / 8 / 15 da december a las 17.00, illa baselgia refuormada d'Ardez

Cun Gianna Vital chantaina insembel corals e canons e nos organist Flurin Vital suna l'orgel. Insembel giodynamica il paschaivel temp d'advent, perquai vè eir tü - gnit eir vo!



Bös-chins da las scoulas



Las infuormaziuns detagliadas a regard ils bös-chins vegnan comunicadas da las scoulas a temp ütil. Il Bös-chin da scoula d'Ardez e Guarda ha lö in *gövgia, ils 18 da december a las 19.00 illa baselgia da Guarda.*

A Ftan ha'l lö in *venderdi, ils 19 da december a las 17.00 illa baselgia da Ftan.*

«Chant avert» cun tuns e plets illa baselgia d'Ardez

dumengia, ils 21 da december a las 16.00

Cun melodias d'advent e plets meditativs ans preparaina pel paschaivel temp da Nadal.

Il chant maina Gianna Vital cun accumpognamaint da l'orgel sunà da Flurin Vital.

La meditaziun dudina da nossa rav. Marianne Strub.



Chant tras il cumün da Ftan

mardi, ils 23 da december a las 19.30




Ingon cun partenza davent dal Bügl Suot. La populaziun es amiaivelmaing invidada da tour part al chant.
Per plaschair tour cun sai il coral.

Concert da Büman illa baselgia da Guarda

gövgia, ils 1. da schner 2026 a las 17.00

“L’Ensemble Tamangur” invida eir quist Büman ad ün concert cun suns e tuns d’instrumaints a corda per celebrar il prum di dal nouv on.

Infuormaziuns detagliadas as chatta suot www.ursinamariabraun.com



Bivgnaint da l’on nouv illa baselgia da Ftan

dumengia, ils 4 da schner 2026 a las 17.00



Cun üna meditaziun da rav. Marianne Strub e cun trategnimaint musical laina beneventar cumünaivelmaing l’on nouv.

Casualias in noss cumüns:

Battaisems:


- Kimo Riatsch, 05.10.2025, Ardez

Nozzas:

- Gianni e Manuela Thom, 26.07.25, Zernez

Mortoris:

- Rosmarie Gerber-Stauffer, 10.08.25, Guarda



Fingjà hoz giavüscha il consistori e la ravarenda da la corporaziun evangelica Ardez-Ftan-Guarda a tuots e tuottas ün paschaivel temp d’advent ed ün bun on nouv plain sandà e cuntantezza!



Adressas:

Pravenda

Dna. rav. Marianne Strub
Chasa da pravenda, 7546 Ardez
081 862 23 61
marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166, 7546 Ardez
081 860 34 10
secretariat.pravenda@bluewin.ch



www.ardez-reformiert.ch

